

۷ شباط ۱۳۲۸

نومرو ۵۳

آدرهس :

IDJTIHAD
Constantinople

دوردنچی سنه

اجتهاد

آدرهس :

اجتهاد اداره خانه سی :

دارالمعلمین قارشینده دائره

مخصوصه در .

سنه ۴۰ آبونیه بدلی ۴۰ غروش ، نسخہ سی
۵۰ پاره در .

پنجشنبه کونلری نشر ایدیلیر اقتصادی ، اجتماعی ، ادبی مجموعه

— قادیان ایله ارکک آره سنده فرق یوقدر . تعاقب
ازمنه ایله عالم دیکشه جک ، جمعیت حاضرہ محو و منعدم
اولہ حق ، یرینہ بشقہ بر جمعیت کچہ جکدر . نکاح ، طلاق ،
زوجیت ، ابوت ، بنوت ... بونلر نہ قدر بوش ، نہ قدر
ابتدائی شیلردر ! سزارککلر بزی تحت اسارتکنزده
طوتمق ایله نوع بشری محو ایدیورسکز . انسانلق جان
چکیشور .



نسائیونہ دائر ...

— دو قنور جناب شهاب الدین بک افندی به —

افندمز !

معلوم احسانکزدرکه او سومدیککز نسائیون الک
زیاده فینلانڈیاده نائل مرام اولمشلردر . بنده کز کچن
سیاحتمده وینورغدن ههلسینگفورسه کیدر ایکن ، شمن-
دوفرده ، اورانک سرآمدان نسائیونندن مادموازل
« هه لدر » حضرتلریله اوزون مدت کوروشدم .

بوطافه نك احواله اطلاع کسب ایتک بزلر ایچون
بک لزوملی اولدیغندن ملاقاتی خلاصه یازیورم . ذات
عالیکزکه نسائیونہ آندیغکز قیمتدار طاشلرایله مملکتیزک
الک بیوک زن کریزی عنوانه کسب استحقاق ایتدیکز ،
بومقاله می سزدن بشقہ کیمه خطاب ایده بیلیر ایدم ؟

مادموازل « هه لدر » اوتوز بش ایله قرق یاشلری
آره سنده ، دائما ایکی کوزلک طاقار ، چوق اوقور بر
قادیندر . مادموازلک ، ماداملق ، موسیولک کبی القابه
دشمندر . قالی ، قیاقی ارککه بکیزده . گندیسندن
مسلکری حقنده بر آزا ، ایضاحات ویرمنشی رجا ایتدم .
قطار ، تام سرعتله فینلانڈیانک اویتمز توکنمز کولاری ،
آطه جقلری ، قایاقلاری ، اورمانلری کچر ایکن هه لدر
که لدر سوزه باشلادی و بر روسیالی پروفسورک « غرامه
قومباره » درسی ویرمنشی کبی ، فرط جدیتله دیدی که :

مادموازل شو سوزلری پک بیوک برجدیتله سویلش
ایدی . جان چکیشور ! درایکن کوزلری قال طاشی کبی
اولدی . اصلا ملاحتی اولیان چهره سنده حدت علامی
کورینیوردی . بر دقیقه کوزلکاری سیلدکن صکره نقطه
دوام ایتدی :

— افندم ! نظمی قیصه کسه جکم . وحشی ارککلرک
ایقاع ایتدکاری جنایاتدن اوزون اوزادی به نیچون بحث
ایدیم ؟ ذاتا بونلری پک اعلا بیلیرسکز . چونکه سزده
ارکک سکز . اگر ارککلر بویه حق ناشناس اولسه لار
ایدی بوکون دها متکامل ، دها فاضل بر انسانیت موجود
اولوردی . بزم فرقه مزک پروغرامی موجبجه نکاح دنیلن
رشته غیر طبیعی اورته دن قاتمعی ، درحال قالمیلدر .
بونک لایعد فوایدی واردر .

بنده کز ، هیچ برسوز سویلکه جسارت ایتهدن
نسائیون شهرمدن بومادموازلک سوزلری دیکیور ایدم .
زواللی قادیان افکار و آراسنه فضله قوت ویرمک ایچون
آره ضره یومروغنی یمک ماضه سنک اوسته ووریوز ، و ،
دقیقه ده بر : — او یله دکلر ؟ فقراتیله فکرلرینک مظهر
تصویب اولدیغی کورمک ایتدیوردی . سوزه دوامله :
« — بوکونکی حالز بردائی مراشلکدن بشقہ برشی
دکلدر . زوج زوجینی ، زوجه زوجی ، هرا یکی جمعیت
بشریه ، جمعیت کندی کندیسنی آلداتیور . قوانین
حاضره ، ایستهر بزم فینلانڈیاده اولسون ، ایستهر اوروپا
و آمریقاد ، ایستهر سزک کبی متدنی اهالینک سناکن

اولدینی ترکیهده ویاچینده اولسون ، بعض اساسسز ، وحشی ، شایان نفرین انسانیات اوزرینه مستبددر . خلاصه کلام ، انسانلر غیر طبیعی ، غیر منطقی ، غیر فنی بر حیات اصرار ایدورلر . بتون مصائب ، بتون اگدار و آلام بوندن چقیور . قادیلری ، ارککاری سربست بر اقلی . هر ایکی جنسك حریت تامهسی ، دبدیلرله ، طنطنه لره اعلان ایتلی . مناسبات جنسیه بیک ، ایچمك درجه سنده اهمیتسز ، عادی ، خصوصی . رایش تلی اولونملی در . بو صورتله او آرغین مشتهیات اوزتهن قالقار . ارککلر قادیلره ، قادیلر ارککلره قازار . عشق وسودا شمیدیکی غیر طبیعی حرارتی ، انسانیتك منفعتله اوله رق غائب ایدر . برسکوت و حضور دوردهسی آچیلور . شمیدیکی قیصقا نچقلر ، جنایتلر ، اتحارلر ، قانی وقعلر اولماز . بوکون بیک ، ایچمك کبی وقایع عادیه نصل شدتلی اختلافاته میدان ویرمیورسه ، اوزمانده ، مناسبات جنسیه صایدیغ اوینو . نسلقلره میدان ویرمز . حریت ، حریت ، حریت ! ایشته آنجی بوسابهده بشرک اخلاقی دوزله بیلیر . قادیلر ارکک کبی چالشمه لیدر . هر ایکی نصف بشرک حقوق مساوی اولمیلیدر . بونک فوائدندن بجه حاجت کوردهم . معلومی نهدن اعلام ایدهیم ؟

بزم فرقه نك نظریاتی جدی اساساته مستنددر . بزم رئیسملر مز هراحتیالی نظر دفته آلملردر . مثلاً تولدات مسئلهسی عریض و عمیق مناقشاتی موجب اولمش و شونتیجه حسنهیه اقتران ایتشددر : بوکون دولتلره عسکر لازم . بونک ایچون دولتلر نه یاییورلر ؟ برقانون وضع ایدرک افرادی جبراً عسکره آلیورلر . خواهشه ، رضایه ، آرزویه باقلمیور . طباً استخدای جاز نه قدر آدم وار ایسه ، اسنانه داخل اولور اولماز ، اردویه دعوت اولنیور . بونلر فنا معاینه اولندقدن صکره تعلیم کوریورلر . ایشته مدافعه ملیه امر مهمی بویه حل اولنیور . تولدات ایچونده بوکایقین بر اصول اتخاذ اولونمیلیدر . بردولته ، یاخود

بر ناحیهیه نه قدر نفوس لازم ؟ شوقدر . یاییله جق حساب موجبنه اهل وطندن نه قدر قادیلر وارسه جمله سنی عسکره آلیر کبی ولادتخانهیه دعوت ایتلیدر . قادیلرک علل وامراضدن ، ارثی عیوبدن ، کثول رستیدن ، چیرکینلکدن ، غیاوندن بری اوله لرینه دقت ایدلمیلیدر . نته کیم ، بوکون ، عسکرلرک بوکی اوصافنه باقیلیور . هر قادیلر شوقدر چوجق طوغور مقله مکلف اوله جقددر . بواشاده ، یعنی کبه لک ، لحوسه لاق زماننده قادیلر جمعیت ودولت نامنه باقیله جقددر . عسکرلرک حکومت حسابنه اعاشه ایدکلری کبی ...

افندم ! حیوانانده ، اصلاح جنس ایچون دامیزلق تدارک ایدلیدیکی کبی ، انسانلر آره سندهده دامیزلق تدارک اولونمیلیدر . بونلرکده علل و عیوبدن سالم ، کوزل ، کوربوز ، قوتلی ، ای چنسدن اولملری لازمدر . اگر قادیلر ، ارکک وظیفه تناسلیه یی بوسورتله واطبانک تحت نظارتنده و معین بر موسمهده ایفا ایدرلرسه امین اولیکزکه ایکچی بطنده ورم ، کثول پرستی ، سرطان ، غیاوت ، چیرکی لک ، الی آخره ، جمله زائل اولور . میدانه قوتلی ، صاغلام ، عاقل ، کوزل بر بشریت کلیر . ولادتخانه وتنا . سلخانلر خارجنده عشق سربست طوئلیدر . بآن شرطکه چوجق یاییلماسون . یاییله جق اولور ایسه متجاسرلری جزا قانوننامهسی موجبنه تجریم اولونمیلیدر . بن اساساً حریت طرفداری اولدیفمندن شونیده سوبلیهیم که بر قادیلر ارانه ایتدیکی دامیزلقدن بر چوجق صاحبی اولماق ایسته ر و موی الیه دامیزلنک - علل و عیوبدن سالم اولدینی هیئت طبیه جه ثابت اولورسه آنک بواسطه عالی ترجیح اولونمیلیدر . صکرده ... صکرده ... صکرده سی وار . بوندن صکره طوغه جق چوجقلر جمعیه مال اوله جقددر . بوکون هر والده فن تربیه متخصصی اوله ماز . هر والده یتشد بریدیکی اولادی شرائط تربویه ، صحیه و علمیه دائر سنده بیوته مز . آنک ایچون دولت میریلر یتشد برملی ، دوغدینی کوندن اعتباراً چوججی اونلره تسلیم ایتلیدر . شمدی فنا تربیه



« قلمبه » تصوير افكار

عالی جناب پیر لونی حضرت تلمیحه

پك عاليجناب محترم ادیب

انسانیت حاضرہ نك بداحترامندہ طاشیدیفی مخلصه كشتا بلریكز، شیمدی به قدار، بزه سزی شرق حیانتك، اُسكى عثمانلیلرك، حاصلی بوتون اسلامك مفتون ذی دهاسی اولارق طایتمشدی . هلال اسلامك مركز محتمم تموجی اولان یالكر شرق دكل ، بوتون دنیای تزیین ایدن بیر باقوت کرانها دیبه یاد ایدیلن ایستانبولی ، مائی وراق سهای سکونته انعكاس ایدن مقدس وانجه مناره لری وعظمتكار قهرلیله نظر مزده اك ایی تجسیم ایدن سزسكز . روحلریزك ، اقلیم لطیفمزك سكوت بی حدودینی ، توكل دیندارا نه سفی الك زیاده آسكایان و آسكایان سز اولدیكز . ایستانبولك سهای ظریفی ، عصرلرك لایموت صحیفه لرینه قلمكزله نقش ایدیادی . بدایك بوشاه اثرینی سیرایده بیلن بوتون عثمانلی واسلام چو چوقلری ، آتی بشره بعصرك اك بوپوك میرائی اولارق قالاجق اسمكزی ، شیمدی به قدار، دائما ، محفظه متدسات اولان قیلرینده طاشیدیلر . لاكن بوكون ، بوتون اوروپا شهید اولمش اُسكى پادشاهلریمزك چنكاور سلطانلریمزك مرقد مقدسلرینه آتلیریخی صوفاركن ، اسلام جنازه سندز سرایلر یاییلیركن ، جا، علمیزه قانی صلیلر قونولوركن ، یكانه فرد مدنی اولارق اوكرده سزی بولدق ، یكانه فریاد حق اولارق پك اُسکیدن طاشیدیغز صداكزی طویدیق . بومدهش یانغینك قارشیسندہ بوتون غریبلر بیر (نرون) کیلوب ، اُلرنده کی ارغنونلره پیرو اولارق ، نشاند سرور ووحشت نرم ابتدكری حالده ، سزه محترم استاد ، لاقید ویا مقید وجدانلره قارشى حایقردیكز . الله ، روم ایلیده دوشن شهیدلرك عمرینی سزه ویرسین ! بوتون بیرقوم سزك ایچین بودعالری ایدیپور .

اسماعیل حامی

كورن ، باقیله میان ، یتیم قالان ، الی آخره ، بتون بیچاركان بوصورتله ایی بر تربیه کوره جكر ، ایی باقیله جملر ، فقر وسفالتہ دوچار اولمدهن بیویه جكلردر . ایشته بز استقبالده نوع بشری بویله اصلاح ایتمك ایستیورز ، انصاف ایدیكز . بز نسانبون ایی دوشونمپورمی یز ؟ بوبابده سزك فكر كز ندر ؟ بر شرقلینك مطالعه سنی آلق ایستهرم . . . دیدی . بونك اوزرینه بنده كز بر آزدوشوندم . وشو جوابی ویردم :

— طوغریسنی سوپله مك لازم کلیرسه بن بوایشلرده پك اوقدر صلاحیتدار دكل . بنم بدبخت مملکتیمده دوقتور جناب شهاب الدین بك نامنده بر بیسوك ادیجز واردرد . یازدیغی بندلرله ، کچن سنه ؛ بتون قادیلرك نظر دقتی جلب ایتمش ایدی . عودتمده کندیسنه مراجعتله افکارینی سزه بیلدرمسنی رجا ایده جكم . ظن ایدرم كه بونی کوزل برزمین اتخاذا ایدرك خوش اسلوب برمقاله ایله بزی مفتون عرفانی ایدر .

عزیزم دوقتور جناب بك افندی ! سزه هه لدهر که لدهرک آدرسینی تقدیم ایده میم . لطفاً دفترکزه قید بیوریکیز : سکان دردنجی شمالی عرض دائره سنده فرانسوا ژوزف اراضیسندہ نیوو و نیمه زله ند ، ده یکی قادین جمعیتی احداثیله مشغول نه موسیو ، نه مادام ، نه ماداموازل هه لدهر که لدهر . بو قادینی اسکاته موفق اوله بیلیر ایسه کز منتدار عاطفتمکز اولورم . باقی حضور عرفان و ذکاوتکزده رکوع !

غلطه ۳۰ کانون ثانی ۱۳۲۸

جلال نوری

